

կան տեղիս և կռուելոյ : Ի սկզբանէ անտի և ըստ մտաց
հրովարտական Սէլիմայ Արքայի , երկու ազգք ընկերովի
տեղիս՝ ընկերութեամբ ուխտ առնել՝ եւ բնակութեան
տեղիքն իւրաքանչիւր ազգ անկախութեամբ ժառանգել .
վերջապէս յայտնի ծանուցաւ երկուց կողմանց վարիլ ըստ
իմաստից և զօրութեան հրովարտական Սէլիմայ Արքայի .
և Երեսփոխանք իւրաքանչիւր ազգաց հաճեցան և ընկա-
լան յանձն առին և խոստացան՝ առնել այնպէս . և այս-
պէս բոլորովին բարձաւ խռովութիւնն և տեղի ետ ատե-
լութիւնն , և Դենպետն միաբանութեամբ արար Իլամ եւ
մատոյց Թագաւորութեանս իմոյ , ըստ զօրութեան գրեալ
Իլամին , եւ զհրովարտակա բարեյիշատակ նախնոյն իմոյ
Սէլիմայ Արքայի տուեալ երկուց ազգաց հանդերձ ոճովն
օրինակեալ արձանացան , զհաստատութիւն նոցին , զհան-
գամանս դատաստանին և զիմաստս Իլամին բովանդակե-
լով՝ տուաւ երկուց ազգաց հրովարտակ , և ապա արձա-
նագրեցաւ յամենայն Դիւանս և 'ի Դատարանս , և Կայսե-
րական հրամանաւ նշանակեցաւ . 'ի վերին կողմն արձանա-
գրութեանց սակա գործադրութեանց նոցին , և հրամայե-
ցաւ գործել և առնել ըստ մտաց Իլամին Դատաւորաց ,
և զգուշանալ 'ի հակառակէ նորին : Որոյ վասն ել 'ի Կայ-
սերական Սէնէկէս պատուական հրովարտակա եւ տուաւ
'ի ձեռս ազգին Հայոց : Արդ՝ զհրովարտակա Սէլիմայ Ար-
քայի հիմն ընտրելով՝ եւ գործելոյ ըստ մտաց Իլամին ,
երկուքին ազգք 'ի տաճարին Ս . Յարութեան սեփհական
տեղիս անկախութեամբ՝ եւ ընկերովի տեղիս ընկերու-
թեամբ , 'ի սկզբանէ անտի որպիսի եղանակաւ ուխտ ա-
րարեալ իցեն՝ ըստ առաջնոյն ուխտ արասցեն և բնակեա-
ցին , եւ վասն սոցին իրաց մի՛ լիցի երբէք խռովութիւն
'ի միջի իրերաց 'ի պատճառս որ և իցէ իրաց , յինչ և իցէ
ժամանակս , և եթէ լիցի , երբէք ունկնդրութիւն մի՛ լիցի :
Սակա գործադրութեան և կամօք բարձրելոյն Աստուծոյ՝
Իլամին այնորիկ հարկ էր Կայսերական ազգու հրամանիս ,
'ի հաստատութիւն դաշնագրոյն Օմարայ տուեալ Յունաց ,
և հրովարտակին Սէլիմայ , և զիլամն այն բովանդակելով :
Նմանապէս ըստ իմաստից հրովարտակիս այսմիկ՝ տուաւ
այլ հրովարտակ 'ի ձեռս ազգին Յունաց : Եւ յետ այնորիկ